

百
名
家
詩
選

百名家詩選

福清魏

憲惟度輯選

宛平王崇簡敬哉 武進吳珂鳴耕方

高陽李 霽坦園 宜興莫大勲魯巖

叅

曹

溶

字鑒躬號秋岳秀水人

夜濟語溪是樵李西邑

越舸溯歸浪衆壑奔澄川
弄歌未及晚皓魄俄已懸
氣燠褫紉帶候至鳴商絃
起坐理遐矚列岫霏人烟
枯桑變農月遺穗多平田
密霧阻遊

鵠大澤延棲鳶卷組方過里學漁還扣舷深居
負奇疾在道無長年二端覺情慮保德中自捐
武林遇何芝函侍御舉子彌月因述往事
以志悲喜

晨興理長征鼓棹起文鵠兩峯秋未窮霜雨洗
煩縟歛逢流寓人佳氣滿中谷西川方阻兵劍

閣樹牙纛樂此甘棠鄉將老悉歸園

何曾按
吾浙

土

竈映疎烟詩書冷僮僕相視涕沾膺俯愧身更
辱歷數同朝生蘿蔓倚珠玉潼關賊莫當時宰

正貪黷獨修來衆指角黨愼所觸睚眦怨必伸
橫發等鋒毒楚風彌悍急賢豪罹深酷張弓黜
昧間恩斷不可續愚實忝臺臣旁睨恨拘束論
救乏通才百口義安贖以茲嘗惻惻微薄蒙見
錄曠識洞秋毫道轉客禍曲伏謁慰離顏話舊
意猶篤茂草聚都宮簪紳日煩促儻人先自戕
覆巢連戚屬余歸皮骨存公髣方再綠堦樹挺
芳枝英器喻騏驎邀賓設湯餅妙舞炳明燭灑
掃湖上軒夕霞開麗矚田園雖就蕪得酒一生

足坦慮杜群機福善良可勗哲嗣興揚徽講德
勵衰俗

觀拂水歌

往往歲暮登山椒沙黃密雪封枯條泉源凍盡
流不得仰覩天宇雙鴻遙我今再過值關暑黑
虹如帶飄湖渚狂霖三日發瀑布雖逢泥滑當
視汝村前竹興疾且輕十里幻作五里行穿松
造坂始一息隔谷已見濺濺鳴得名未許他方
借游龍千道光相射怒捲雷霆石上生高奔江

海空中瀉亭午南風氣力微不能挾水使倒飛
偶然披拂僅盈尺敢詡錯落同珠璣路傍野老
髮勝銀爲言此水若有神來遊合備清虛福風
色變換恒隨人蹇余諧俗無奇計支離豈免山
靈棄俄頃紛多感悼心白首岩阿真未易

茉莉篇

吳王舊苑涼如水銀河照地忘眠美鶴過陰廊
月漸低螢飛複館風微起佳人盡是傾城姿珊
瑚鎖骨冰呈肌單縠裁成舞袖窄輕蓮步出顰

飛遲雀釵墜後夕粧急粉鏡臺平垂手立橫挑
並翼光疑留密綰同心狀奚及收卻秦珠籠步
搖何藉琅玕壓翠翹倡條墮馬垂餘緜宮樣盤
龍束短綃盤龍墮馬愁無極祇有鮮花動人憶
下階自摘窈窕枝拂鬢忽增靡曼色屈經穿雪
望玲瓏拔簪抽玉憐欹側共蒂連叢露不乾相
偎只對艷姬看初苞細蕊玻瓈薄徐舒素萼水
晶寒拭汗半沾桃簟冷辟塵斜插犀梳影枕畔
移春蝶詎知帳中送鼻人還省此時含笑別有

情此時橫陳百態生
鴛鴦幔角羞無力
烏鵲橋頭夢不成
亦有秦淮諸女郎
薰衣代燎侈莫當
家家繡戶朝留葉
人人膩髮夜如霜
那惜金錢還競賽
淡飾自緣名士愛
乍可招搖日未西
誰能爛熳開方戴
來從五嶺沉烟霧
正徧長江千萬路
寸草常令閨閣歡
一生總爲芬芳悞
恨恨穉少小作妖嬈
不耐移根去國遙
天寒歲暮空迴憶
金屋終難貯阿嬌

夜歸行

冰凌澁艇閉湖旬長街人稀砂打面老鶩僵立
毛羽頽密林無葉天將變歲十二月寒正緊夜
色交加飛雪片西鄰黃生知我悶折簡召我偕
芳宴急呼短輿踏雪行火爐促坐開深院四海
難逢武備休一身且喜還相見酒出牀頭臘味
青密煎餅薄不留咽貪懽寧止過百杯臨當分
手情戀戀是時城樓鼓聲緩凍合通衢積銀霰
杖藜徐返未及門星光忽迸鷄翎箭硬弓挂臂
腰纏刀豈有宵嚴催巷戰截路搗胸爾何意了

知行却排後殿踉蹌反走氣始蘓迴看賊火尙
如電近日姑息厲禁弛弱肉竟令人命賤居民
早暮縱殷防穴墻毀柵得自擅哀號長跼隄所
有婦女不敢藏釵釧公然嘈雜廬市中况復村
出隔州縣客兵失業無不爲推原禍本由情弁
爲性那肯忍饑餓兼呼伴侶利器便親值怪事
空心驚嘆息鄉勇莫能練亂後思安此一端來
往無虞亦堪羨

李氏橫山草堂歌

曹秋岳
卷之九

五

杜江堂

江亭作城枕潮汐其西乃有橫雲山往來采石
恣斧鑿窮巔絕壑無人攀忽傳選勝意匠苦出
錢置屋懸崖間連綿不斷數十里芒鞋踏碎蒼
苔班轉入深山見金碧清池種蓮常百尺文杏
裁作堂上梁好峰磨向堦前城群詫林稀岡勢
廻脩看履過溪流坼渡江南來僅見此乃知神
物天所惜凌秋直上青松梯下瞰三泖蛟龍棲
時時晞髮弄明月不與常候同眩萋憶昔此園
全盛日掃除盡力無纖泥平坡直許萬馬過削

壁到處遊人題笙管啁啾澗底發壺觴絡繹空
中移盛極還衰有常度赤棘戎戎塞前路君家
父子已遊仙那得林泉尚如故百年藻井環獸
裂珠閣離披若烟霧松鼠畫出不避人酒臺墨
沼空無數嗚呼吾友今寂然空餘旅旄經幽燕
時危壯士薄升斗思親睽國身同捐覓魄應知
戀鄉里姓名定足文山川霜天夜半起橫笛倘
有孤鶴來盤旋

吳郡秋思

山外高樓俯夕曛五噫嗣咏正離羣寒濤不見
橫江鎖沙草時提鎮海軍槎滿吳淞天畔落秋
連鳬雁客邊聞長驚竹箭彫疎甚谷口何年盡
白雲

語溪夜泊

春水西廻拍岸冰重裘不寄冷難勝心窮進退
兵戈阻行遍燕吳歲月增宿鳥依人喧過檻烟
巒作雨暗孤燈千年霸國今存否自向漁樵數
廢典

九日芝麓總憲招讌慈仁寺卽席賦

帝城風葉動三秋
滿眼青山侶舊遊
兵後幾人無白髮
樽前此地是滄洲
蕭蕭檜枯盤鵬健
漠漠河去鴈愁多
恐客懷徂落盡臺
霜莫遣近高樓

答曾庭聞

兩度過驚水車書
失會同那知雞黍
約翻在道途中臘
近椒盤酒陽回玉
瑄風西陲兵事減
寂寞數英雄

避地河西好移家
傍賀蘭時名尊雁塔鄉
夢落魚竿射獵需
才脩山川倚險看
聞君驅馬出靈武
至今寒

遊南華寺不果紀事

越疆多變後佛火漸衰年
古院存兵窟春風洗瘴天
鏡塵深嶂少獵網夜燈圓
大法原無擇安心旅泊前

贈孟二青

東吳蕭散士薄力謬稱詩
法與諸家左名將故

國私放船隨夕漲隱几聽寒鴈忽動高流意相
逢不恨遲

衛國風多美新交得孟公碧山因坐晚清暑失
樽空鷹隼秋能警松篁路未窮亂餘辭辟召跡
與古人同

庚寅清明遊先農壇卽事

此時當樂死戶外復何之清酒頻分夜歸驢偶
倒騎烟蘿池畔少花竹裨前移客典粗排遣流
鶯莫漫欺

題成少傅浮丘山房圖

翠鷲臨瑤圃蒼松出錦林峯巒期置酒猿鶴喜
抽簪景勝餘宸藻山成有賜金卽看高卧日萬
壑應清音

紫情魚鳥地千里望神京石笋穿籬密風潭倚
檻清救時還種藥娛客自和羹插架縑緗滿真
疑聞死行

絕境微吟表飛厓尺練丹青傳逸事臺榭綰
春風竹色攜琴過河聲捲幔通幾時偕杖履洗

眼對空濛

飲馮秋水二知園

常憶披襟粵嶺東
棘圍將動彩旗風
幾年障塞
愆魚腹
一夕樽壘媚菊叢
鳳詔莫迴疏
廣逸草
堂凝亞
杜陵窮
君看蕭酒長
林外盛有蛾眉泣
漢宮

滹沱水急雁門高
勇退寧關感二毛
鶴過松間
苗醉石月斜
詩裏得宮袍
賓朋秩秩來
花信
紫悠悠
付蜚螯
興到盡
開池上閣
自存雄氣剪

蓬蒿

塞上何曾有藥欄君家池館恣人看林香茹越

穿筇入

茹越山在應州

雪氣樓煩拂劒寒宛宛泱流宜

書紡冷冷靜畫出雕盤鳳雛不見三年久欲寄

音書路淼漫

懷長公訥生博士

勾注山前積翠深中書行省一浮沉傳家已著

張衡賦奉使終辭陸買金竹檻清光開臘蟻夜

燈踈雨喚春禽江南回首風濤惡塵鞅憐余大

隱心

日午徵歌錦箴清
鸞簫欲斷玉縱橫
星分陸海初聯榻
天剩瓜田合耦耕
萬里抽簪酬願足
一春沽酒覺身輕
自從親到華胥後
不道幽并接鳳城

豪飲相遭恨已遲
炎天羸馬更安之
主人勸

陳遵轄

棋公座

客初聞顧况詩

崑山顧凝人以遊五臺適至

窈窕名園塵不入
沈寥吾道髯如絲
清吟灰盡

熊羆窟暫對還驚
白雪姿

蒼雷潛虎

連營虎旅接雲州國士書來別幾秋
歷覽名都留劍舄悲歌落月和塋篋
鉤瓜竟易通侯賞藏素誰傳去婦
愁醉倚雪花汾水上夜寒催憶鳳
凰樓昔虛新罷官故慰之
贈別何叔鑑

朔風吹雨過重陽客邸新交錦帶香
急解金魚趨酒肆勝驅鐵馬上沙場
哀吟離黍神州舊夢挽雕弧幕府長
挽節正須攄壯思振衣恒嶽俯河梁

二毛衰盡未酬恩欲鼓琵琶涕滿樽雪色喜從
三楚至春風難向五原論郊空苜蓿賓筵苦冷
放熊羆別路昏千里金羈芳草綠獨留清嘯遶
屏門

歲暮雜詩

使者空傳萬里槎古牆積鐵見黃沙杯乾苦憶
南鄉月歲閏應遲北嶽花香送玉珂心自阻霜
浮金戟夢初斜臨簷手種青松滿不減山中處
士家

刁斗無聲曉星車書西去達金庭籌兵已換
三邊險攬鏡難廻兩鬢青隨俗羔羊乘臘回
人儼易帶愁聽暗期碧草阜原滿束馬輕裝下
井陘

風葉晨飄鳳井陰含悲壯士亦銷沉塵埃天倦
彈冠客鼓角宵攢拊髀心江國授衣秋杵近胡
姬勸酒砦霜深臂鷹獵兔非吾事日送群山入

素琴

唐莊宗金鳳
井在應州

較射堂高拂弩牙鹿盧長劍淬霜花圍連墟葬

搏生兕壁暗金鏐起暮鴉邊微豈須誇筆札年
光時喜混龍蛇玉關通道無傳警一望降城雪
草斜

白登奇計舊知名新勅書生莫論兵吏散眉水
凝石儿夜愁殘月照藜羹榛林已失沙陀裏帳
殿空懷拓跋城每恨恒山青蜿蜒教人長起故
園情

喜聞照千至太原招之

憶別王生近十秋關榆塞柳送新愁名都美酒

常無恙佐郡華簪早自抽藥灶去人添髻雪雲
帆約我負江舟相思好命追風騎休折梅花寄
隴頭

五原精銳古今聞珠勒銀槍閱馬軍宦跡崎嶇
驚卒歲客情蕭颯看浮雲燈棚鼓亂樽初洗沙
驛鴻飛夢轉分知爾雕龍雙腕健已令春草碧
飢飢

送方艾賢進

皇太后壽表

玉節趨丹陛金鞍被紫駟雄藩專使者西道領
諸侯候館臨翠峽王程指薊丘醅酥開繡幄雉
尾下雲樓萬國瞻坤象千官憶膚謀笙鏞圍翟
茀鸞鳳耀簾鉤日暖慈宮啓天高彩伏留聖情
深視膳孝德見凝旒蒼佩錫行入爐香燕喜浮
又

御筵桃核古內醞菊花稠緬想車輪裔偏逢賜
予優微酣還甲第緩步出清秋廉吏徵求簡雄
才雅頌收好傳天上語一慰滯過愁

張晦先兵憲自滇南寄訊作此答之

黃興窮地紀朱幕壯王猷花發昆池曉猿啼爽
道秋總誇持節盛詎免望京愁天末懷同調軍
聲控上游瘡痍南北共綜覈簡書稠比玉名常
在聯鑣志莫酬碧鷄通信使白馬過諸侯遂枉
緜緜賄應爲栗烈謀分甘來戟府歛局下江樓
封駘芝泥濕開驚瘴雨浮倉山齊五嶽耳海照
中州龍氣雌雄遠鵬行絳灌收停雲初嗣響臥
雪竟忘憂爲報占星客春先在隴頭

雲間寺讌集十二韻

邀客坐平沙寒陰半雪花梅檀羅十寺聲筦幻
三車堤柳飄金梵風毛印玉砂野清圍列騎徑
曲隱吹笳石鼓喧霄漢水泉礪齒牙法幢隨霧
雨寶座卽袪猗佛國遊堪借軍容靜不譁遙天
開帟幕中席進琵琶鼎沸親煎茗盤空映削瓜
興餘攀鐵鎖深處乞胡麻醒酒穿林麓貪權置
網且鐫聲鳴餓虎矛影散秋蛇未碍西來法耶
舒遠放嗟古今人孰在銘刻意徒奢水遶陂陂

直山分大漠斜要荒齊奉版駝馬各歸家境勝

酬官

多緩髻華敞裘親黻黷彩筆付蒹葭

當賦

兔移燈照晚鴉碧雲猶徙倚不信出

腰餘

小引

魏子曰余選詩持欲總南北風雅爲詞苑大觀
得鳧盟申先生詩于白下僅數首私意以爲古
人追登蘇門訪孫徵君香茗之餘言鳧盟畱心
理學爲程朱功臣綺詞韻語矢口不談始知鳧
盟以今人而坐進于古人者也慨焉慕之喜鳧
盟因孔觀察一日之交以全集簡知我者且致
詞焉余愕而起曰申公尚談此乎抑慰余夙懷
乎遂移向花月亭中快吟之詞典旨溫情深景

肖不減漢唐風裁益信鳧盟于聖賢大業旣已
優入而性情名言不妨並著爲今古全人也至
其寄托悠長以抑塞沉鬱之才蘊忠厚和平之
旨則余于鳧盟別有賞心不復向外人道也

百名家詩選

福清魏 憲惟度輯選

曲阜孔胤樾心一 攸縣劉友光魚計

叅

濬縣周體觀伯衡 曲周劉 佑雲楚

申涵光 號鳧盟廣平人

歲晏

東隣富珠玉華屋睂常顰西隣褐不完絃歌無
冬春人生各有適苦樂豈關身詩書敦古懷山
川多嘉辰斗酒良亦娛况遇同心人寄語結駟

客莫憐原憲貧

少年矜意氣抵掌瀝肺肝
罇中酒尚溫談笑生波瀾
但念今時非不言昔時驩
寵歇難爲容罪誤誠多端
昔當貧賤中努力同艱難

荆吳隔大江風濤不可涉
短衣凌荒岑挂漿撥寒月
玄雲閉河梁故人書久絕
目招誰家兒輕揚弄綺陌
投我蛺蝶羅擊以雙玉玦
我畏不敢過中途自改轍
弱草披澗陰梧桐峙高闕
本非同根生榮瘁應各別

我有太阿劍寶氣常干霄飾以藍田玉淬以鵝
鵝膏出入常相隨有如貧賤交時平適不用共
棄荒山坳田父顧之笑欲刈蕭與蒿

亭亭西山雲萬仞青芙蓉下臨不測淵上有太
古松松頂巢黃鶴淵中藏蛟龍躡屐披雲根亂
石翳翳茸隔溪三五人濯足吟疎風白髮好容
顏無乃南山翁漢庭亦已出書幣凋淳蒙真隱
自草木豈貪世上功落日凌紫煙揮手吾焉從

憶山居

世態今如此人生亦何慕
嚴風怒草木春到南郊樹
步屨入平沙鳬鷺眩屢顧
忽見西山來微茫隔煙霧
宿昔避世心浮雲展幽素
朝看漁樵行暮隨猿鳥聚
道力苦未堅人羣被羈住
遙指斷山口知是草堂路
舉世喜多端朱門無緩步
我性質疎頑常恐世人怒
耕種難後時清溪淺可渡
山鳥待歸人百年亦朝露

詠古

我聞燕山側昔有黃金臺
千金買馬骨遂有壯

來壯士不爲金感君重士心君王不愛馬馬
死鹽車下感會成風雲勲名難俱偶昔在泥塗
中枵然窮谷叟我來屬時危荒臺跡已沒昭王
不可求坐看燕市月

鷄鳴曲

潛正暖月暗風淒淒墻頭膠角鷄亂啼拂車塵
郎欲去室中人語鷄失早暮不是應啼時郎行
莫教誤

黃河決

黃河決河水竭蛟龍遠徙車徒步涉去海千里
鼉鼉晝飛生無處所死不可知魚遊松頂泰山
卑龍乎龍乎何時歸

匡廬吟問李饒州志清

漁從江右返正當秋雁分幾時離却鄱陽水衣
裘尚帶匡山雲我聞匡山天下絕飛泉百丈吹
瓊雪香爐五老沒層雲影入波濤峯勢折聞有
陸羽井又有遠公臺李白讀書心所好至今魂
魄應常來我曾東入吳揚帆下西浙楊子太湖

水滿眼吳山北固皆丘垤十載匡廬幽夢結西
江血滿鄱湖熱兵戈遙隔子陵船汝若曾登可
細說

邯鄲行

西風吹落葉颼颼邯鄲道邯鄲兵火後人家生
白草我聞邯鄲全盛時朱樓銀燭光琉璃趙女
臨窻調寶瑟樓前走馬黃金羈卽今富貴皆安
在惟有西山青不改不見遊俠子白日報讐飲
都市亦不見墟邊倡華鞋鳳髻明月璫舊城寥

落荆榛裏樓臺粉黛皆茫茫城邊過客飛黃土
城上憑臨日正午照睂池畔落寒鴉不信此地
曾歌舞探穀沙丘去不迴霸圖消歇更堪哀耶
鄆之人思舊德至今猶上武靈臺

學仙引

少年寡信好萬事隨徵逐常笑學仙人服藥死
窮谷患難損精魂心事恣潦倒我年方及壯自
覺形容日衰老側聞廣成子能爲黃金丹方瞳
碧玉杖逍遙生羽翰我欲從入崑崙巔掃花曬

藥浮雲邊縱使神仙不可得也應高枕送殘年

吁嗟行

吁嗟我生三十有四年○山楓野櫟空拳拳○
時遭豪吏罵○酒酣擊筑何人憐○我見時人強笑○
語○傾心輸意相纏綿○險如太行深漠渤○
鞠躬酒肉生戈鋌○吁嗟我生胡能然○我有詩書三萬卷○
先人手澤畱丹鉛○筋力未衰兩弟少○埋愁息照
雲山邊○西巖茅屋近湓口○上栽松竹下平田○有
時坐明月○半醉揮朱絃○橋頭望落日○蠟屐凌蒼

煙有時高臥臨風渚。白鷺飛來枕席前。我生得此亦已足。胡爲終日隨喧闐。待我十年人事畢。負薪楸地終南巔。不爾浮家范蠡船。吁嗟我生胡能然。

郡中怪張覆輿自西山來

何事須城郭。人間復見君。全家依澗草。短褐帶山雲。薄俗居難定。惡形鹿可羣。四方多戰伐。羨爾未全聞。

元夕

百戰山河異春燈舊俗存
魚龍張紫焰鐘鼓動
黃昏到處能看月
今宵亦閉門歡娛思
夙昔鳴咽罷閒罇

林慮訪王山人

亂水桃源路荒村仲蔚家
緣溪收柿葉畱客煮
椒茶丹栱巖前寺黃雲
谷口花結鄰須共老踏
月度寒沙

遣興

曝背隨農父狂歌近夕暄
看山頻倚杖見月自

呼鶴塔影橋邊寺。雞聲煙外村。樓遲烽火後。何事賦招魂。

豈敢名高尚。山閣已定居。數椽風雨外。萬事死生餘。避地尋丹訣。傳家有素書。天寒松酒熱。日暮澗樵漁。

荒塗憑晚眺。樹裏帶衡漳。網集潭魚急。天空塞鳥長。遠山供屨杖。落日澹行藏。不用移文誚。平生一草堂。

沙岸長林白。雞豚委巷深。幽偏遺薄俗。昏旦倚

天心終日看飛鳥有時彈素琴蘆笳吹塞雪何處雁書沉

水落村沙暮人煙郡堞西樹分霜月小門逐野墻低畱客須茶竈殘生付藥畦近來詩興發不復向人題

星月寒流外衡門對浦橋近簾霜氣逼待酒燭花消避世嗟蟬葉浮名悟鹿蕉天南消息斷有夢入江湖

小築容高臥荒林失曙更人從多難老心向遠

天清野屋縣魚符
霜灘落雁聲
一年看又莫新
月幾廻明

近闢場西地
林端結草亭
早涼吹散帙
夕鳥下疎櫺
山翠遠猶見
漁歌夜可聽
寂寥雲水外
矯首問鴻冥

甲申二月避寇西山
六月適江左
越明年乙酉四月乃還里
舍荆棘虎狼風波盜賊之險
歷歷在心
清夜追賦情見乎詞
故國容今夕
投林鳥倦飛
半年寒谷住
千里夜

行歸客夢江心雪雞聲天畔扉艱難留病骨回
首淚霑衣

與諸友遊泉亭寺

樹裏泉亭寺山田一徑斜石開門對井岸落雨
衝沙數子行秋色孤罇就野花暫來慚更去康
樂未離家

縣壺謁張尚書湛虛先生

結茅飛鳥上秋色滿縣壺白髮增幽事黃冠屈
壯圖琴樽山月好風雨老臣孤莫訝披雲至浮

名此地無

山中回伯巖送至馬服山宿竹林寺明日

別去

不盡登臨意黃昏到竹林
問人尋草徑隔水聽秋砧
雲落安禪處僧知出世心
夜深高閣冷鐘鼓作愁吟

曲周劉雲麓書樓

冷落尚書履蕭森處士居
地憐羣盜接人似六朝餘
瓦硯來冰井牙籤半石渠
醉眠驚夜柝霜

月小堂虛

冬月餞周忝函八公兄弟歸武進

久晴宵亦暖尊酒故人留預悵臨岐別何妨徹
夜遊霜高潛落樹月小靜于秋爲待江花發漳
邊問蠡舟

社集限韻

早起開寒酌乘春待客臨干戈吾黨在書畫草
堂深絳燭移人影清歌動鳥音醉餘天地別忽
似少時心

南園社集

風定村橋暖沙清野竹幽世情憐塞馬吾道及
春陽綠似前年樹煙生何處舟籬邊新月上問
子可能畱

小築門依寺長堤樹隱城壺觴分野色鐘磬有
閒聲徧性應難改山田尚可耕且將林外酒高
枕聽春鶯

雨後林慮道中早行

曉渡青泥坂秋花亂馬蹄不知山寺近漸覺遠

村低萬事驚。鼙鼓孤雲入。杖藜蘇門高臥處。爲
訪碧峯西。

出郭

出郭驚黃葉。蹉跎欲白頭。一年秋又盡。萬事晚
多愁。雪嶺迴征雁。霜葭隱釣舟。避喧翻憶客。何
處覓羊求。

雨罷有懷張上若周茗柯賀懷菴

六月濤聲裏。初晴亂白雲。風來蟬抱葉。煙隔鳥
呼羣。補漏牽青草。攤書待夕熏。高朋開舟楫。消

息久無聞

久陰

僻巷青泥滿人家水氣中草疎催過雁
屐響任鳴蟲生計貧初問浮名晚欲空
蒼生思白日涕淚落丹楓

送路妹壻南行

八年三月聚今去幾時歸萬里隨霜草
孤身伴缺衣雨頻江路滑邊冷雁書稀
莫更憐居者柴門方掩扉

答楊太史猶龍

少歲驚銅馬，騎驢入暮山。
論交鳴鏑下，哭廟野雲間。
宦格容疎放，鄉書獨往還。
十年招隱地，猿鶴至今閒。

偶過韓聖秋寓，值紀伯紫姜滙思快飲時。
滙思將南歸。

下馬聞高會，開簾盡所親。
秋花盈小院，京市有閒人。
老向何方好，交憐我輩真。
十年江左夢，風雨念西秦。

送姜漚思歸杭州省覲

黃葉催歸棹青萍伴客裝
夢依湖畔草身遠塞門霜
去國勞雙鬢趨庭只舊裳
客愁寬借汝鳴咽罷離觴

寶鷄巷訪吳見末比部卽訂九日之遊
卜宅依寒水朝回只閉關
見君當落葉此地有
卒山雨歇秋仍暖
官貧老更閒
登高何處好
屨杖許追攀

贈胡彥遠

振棹辭河渚西風捲釣鉤過江如絕域入雒是
閒遊駢馬黃雲暮園陵白露秋客居經半載禁
得幾迴愁

清源久客候姝圻路吾徵將自南旋

兩年秋作客此度更淒然家近翻無信人來尚
各天亂沙催岸柳細雨暗江船相見應嗚咽臨
風淚早懸

望遠

望遠來津市秋深嗟未還衣裳經雨薄童僕去

家閒舟側隨魚網
鐸鳴渡水關誰憐羈客影
日衆人間

登岱

夙愛雲山好奇遊
始岱宗腰輿凌絕壑
拄杖入深松
草覆前朝宇
風傳下界鐘
天門霄漢裏
遙望翠微重

躡屐登黃峴
崩雲暗女蘿
萬峯朝碣石
一氣引洪河
近水花爭發
方秋雨易多
似聞梁父嘆
懷古正長歌

古洞雲深黑飛湍下碧簾
棧分孤闕小天劃數
峯尖據石眼初放臨風衣
漸添兩邊黃葉寺朱
果綴墻檐

瞻祝來何代聲靈走百王
封先羣時禮歡助萬
年觴夜日翻滄海秋雲擁
棟梁問人尋玉簡秦
漢總茫茫

萬國通金幣均輸入縣官
樹畱樵客火額憶玉
清壇雷雨沈瑤席荆秦臥
石闌兒童聞勝事長
嘆說凋殘

杜老遙題在天留萬古青
雁來霜氣白龍臥海
風腥鐵石傳遊蹟除苔榻
梵經夜深看輦道何
處火熒熒

飲表兄李志清水村亭子

樹影交亭影蟬鳴亂夕陽
試泉傳茗椀醒酒剝
蓮房席近繁花濕衣沾碧
草香不成浮海意咫尺
是滄浪

近來宜數相逢初解鞍頻
年高會少斯世酒
人熟浣葛垂欹樹窺波
野冠坐看農事苦飽

食愧盤餐

寄金陵紀伯紫

昔在金臺側逢人問酒徒
黃花吟入寺白眼臥
當鑪狂任公卿怪清尋
霜月孤園陵看蔓草血
淚幾同枯

暑夜諸友來集因憶山居

院涼宜晚坐水氣逼荒村
挂笠纓垂樹催觴月
過門危時清夜少交道
野人存不到山園久秋
花憶石根

春旱

海上戈初罷方隅亦漸寧
風多天早赤春旱草
遲青車馬軍輪急帆檣戰血腥
不眠思往事離亂恐重經

睡起

睡起亭陰直沙邊水氣涼
鳥飛低見影松老靜
聞香失學追何及逃名久漸忘
近來軒冕客無札到滄浪

聞淮陽凶荒

昨歲淮陽雨秋禾掩碧濤赤眉連楚塞白骨亂
江臯轉徙春農急遲迴計部勞驚心魂夢裏彷彿
聽呼號

暮春晚熱鄰友來坐花下

早極春城熱朋來坐夕梧解衣攤石几熱酒遠
風鑪竹覆看花暗星流到月無戍樓喧鼓角夜
半有啼鳥

竹

戲挿堦前竹三年已作蘂疎簾斜照綠炎日細

生風時有幽禽至長嘯曉霧中如依高士座鬚
髮淨秋空

寄懷容城孫鍾元先生隱居蘇門

結屋依泉樹鬚眉見古人衰年仍向學薄俗自
相親萬死扶鉤黨孤忠有逸民近村成井邑半
是舊比鄰

金盃思龍馭柴門謝鶴書半生常作客萬事此
揮鋤山鳥依茅棟泉花照笋輿尚嫌車馬聒深
谷欲逃虛

地自孫登後高名屬許衡君來前跡掩更覺百
泉清饌薄供春蕨冠存濯舊纓向時親捧杖谷
口約同耕

夏夜

夜短禁愁思更深惜暫涼餘生原土木萬事已
滄桑鼠黠時登案蛟喧故撲牀不眠松影立擁
露待晨光

晴

不復衝泥出科頭萬事慵草晴如帶露雲亂自

成峯賒酒憑秋稼占年問老農怪來香細細澤
國滿芙蓉

秋夜懷兩弟入都

雨頻秋氣早晚坐覺衣單偶自裁詩就同誰對
月看壯心輕道路老夢怯長安塞樹先搖落將
無憶釣竿

獨往

荷香引步履出郭近長林每立孤霞外誰知獨
往心遠山晴見塔小市晚聞砧歸路沿新月空

窻拂素琴

金陵早發

江皋久雪泥無路草屐麻衫水氣中不爲饑寒
懷竹簡偶思故舊歷霜風六朝劍珮畱殘寺兩
岸樓船挂角弓聞道淮揚烽火急天涯慘澹一
孤蓬

西洞庭

亂離忍渡鴟夷水柔櫓輕檣范子舟人有漁樵
皆素侶地無烽火卽丹丘千家橘柚分田路十

里松杉擁石樓元宋興除高枕過願將簑笠伴
魚鷗

憂旱

春城落日淡無暉草暗雲霾晝掩扉到處清罇
還獨飲蒲天鴻雁欲何歸江邊曉角催征馬塞
外寒沙落釣磯記得先皇憂水旱十年素布浣
龍衣

鄴下懷古

漳南落木遶寒雲野雉昏鴉魏武墳不信繁華

成白草還將歌舞囑紅裙西園亂石來三國古
瓦遺書認八分七十二陵空感慨至今誰說漢
將軍

無才

窻下平田細路分樵歌幾處遠猶聞濤聲夜落
漳南樹山色晴分冀北雲曲岸人家依紫蓼衙
門客到羨青芹無才合就窮途老車馬休驚白
鷺羣

寄西山張覆輿王都鄰殷伯巖張上若

蒼葭白月繞寒城萬里霜飛旅雁驚欲向山園
尋綺季誰從土室問袁閎空餘慷慨猶多事不
廢謳吟亦近名方外草深天地在即今何處聽
秋聲

春郊

晴煙落日淨暉暉坐愛村橋晚未歸亂後鶯花
春自好城中車馬客來稀浦沙向暖鶯鶯臥徑
草初青蛺蝶飛待到南園花滿樹相過百徧定
無違

山中回寄吳下故人

西來雲木隱秋山
草屨孤筇信往還
半畝家畱煙水外
十年身老亂離間
燈前濁酒酬黃菊
江上殘荷待白鵞
橘柚滿園烽火絕
幾時雙漿問吳關

答王祭酒敬哉先生

雲霄書札到滄浪
醉臥秋陰菊正黃
冠履曾瞻鍾阜月
鬚眉應老薊門霜
一時鱗鳳趨天仗
十載禽魚戀草堂
讀罷新詩山欲暮
滿林風雨動

悲涼

沙吹碣石斷飛鴻千里霜笳夕照中我自孤筇
尋澗草君從雙闕詠秋風天涯烽火寒暄隔午
夜悲歌出處同待到功成黃閣後肯將漁父作
隣翁

早秋憶舍弟觀仲久畱都下

御苑蒼葭隱碧渠天涯羈客半年餘歸鞍莫待
黃花後尺素空傳白雁初十畝松陰清梵閣九
門朔氣冷華裾故園酒熟魚蝦滿日斷庭幃正

倚閭

清源寺夜有懷舍弟觀仲隨叔

西風半落贊公房
百里滄波是異鄉
誰解緇袍遮短褐
幸留明月伴空床
雁來古渡天如水
葉下秋城徑有霜
諸弟故園黃菊滿
卽今何處擁壺觴

雨

霜催落葉晚紛紛
細雨何堪永夜聞
馬自恒饑悲伏檻
雁雖遭濕不離羣
橫流近接黃河岸
曉

日全遮岱嶽雲聞道三齊遊俠地祇今賓客憶
田文

靈巖寺

大畔靈巖已背開石橋花雨正紛紛楓林亂掩
浮圖出黛色遙從泰嶽分古殿橫闌迷赤箭秋
泉帶葉下青雲伊蒲會罷僧厨飯倚杖看碑到
日懸

雲外笙簧擁碧霞遊人爭看鐵袈裟虛巖白映
山南日老菊黃垂洞口花溪水過橋喧鶴鶴松

根出石走龍蛇飛梯萬仞棲真地可許尋源問
鹿車

齊河道中

河流頻入汶陽田大國笙竿憶惘然百里豺狼
鳴白晝誰家鷄犬臥寒煙黃榆亂塞門前路赤
地猶橫隔歲船爲報遺黎應努力軍需方急水
衡錢

柬謝清源諸友

池頭風急早霜含有客招尋得遠探市近晚沽

桑落酒船來初擘洞庭柑一時愁困憐司馬諸
子才名繼濟南多病比年常戒飲爲君重醉菊
花盃

別愁

庭槐落葉已深秋雁影霜華起別愁擊鼓夜喧
青雀舫閉門寒問黑貂裘淵明乞食慚寒餓杜
甫因人作遠遊白飯黃雞歸正好江帆細雨待
春流

黃榆霜老角聲哀，萬里風雲塞上來。
到處狼裘圍蹴踘，四時龍管動蓬萊。
憂天憶上劉蕡策，失路難登郭隗臺。
蕭寺雪深鐘鼓後，可憐燈影撥寒灰。

三韓風俗漸宜人，曳履鳴珮記未真。
酪酒半醺鷹在臂，柴車塞路馬隨輪。
侯門競致軒轅鼎，羽客猶存處士巾。
獨有中官雙鬢雪，時時涕淚說艱辛。

日落盧溝沙亂飛，城頭風雨折旌旗。
囊空尚欲

卷之十
沽隣酒秋盡何人問客衣絕域葦衰蒼隼健故
園溪淺白魚肥朱門夜夜鳴簫鼓未許羈愁夢
暫歸

長途列戟滿荒墩城巷生魚水氣昏五利燒丹
招海士相如作賦買長門黃雲夜照綠邊戍白
骨秋沉落葉村我自鋤茅依絕巘莫將悲喜問
乾坤

趨庭猶記說朝班雙闕龍旗碧漢間一自鼎湖
隨玉仗至今雲壑掩柴關泥塗愧在羣賢顧叢

笠還尋十畝閒
惜別漫傾燕市酒
霜梧落葉滿西山

寄殷伯巖嵩岳

壯歲棄官尋五岳
早春乘屐訪三花
時逢好友仙堪老
每到名山卽欲家
滿地松雲閒白拂
半天笙鶴遠清笳
慚予人事空瓢笠
目斷長河萬里槎

酬魏都諫環溪

故山何日挂孤藤
夢在丹崖最上層
諫獵共傳

焚後草翻經不斷夜深燈漸將皂帽還塵市怪
到朱門得戒僧秋水滿園歸雁急會看霜雪冷
魚曾

種竹

種竹茅齋下忽覺茅齋冷雨餘秋月生窻上濕
疎影

酌酒

酌酒桃樹陰落花眼中過酒盡君莫還醉卽枕
花臥

客至

臥嫌人語煩移牀就古寺君來看水雲莫說城中事

作屋

門前莫樹籬欲令煙水接伐柳作梁柱屋內生枝葉

殷雎寧伯巖棄官北歸

蕭然孤劍下南徐父老江邊擁使車歸路不須船載石年來贏得秣陵書

題明妃畫

五月邊霜毳帳秋
羅衣脫盡換貂裘
蘆笳一夜腸應斷
畫上何緣不白頭

寄路甦生兄弟久寓吳門

六年風雨海門潮
目斷征鴻不可招
記得別時春二月
兩行煙柳濕楓橋

村夜

月落溪村暑頓清
野人高臥夜無驚
遠風忽動堤邊樹
夢裏渾疑是雨聲

飲野人草堂醉後汎舟漳浦

孤村雲木隱龐公紫蓼蒼葭小徑東多少樓臺
隨雨散獨將茅屋待秋風

風吹何處稻花香醉裏狂歌上野航怪底不知
殘暑在人家一帶有垂楊

隔岸碁聲散錦鷗茅堂高臥海雲秋沙邊日落
長林晚遙見歸人立渡頭

醉別山翁日欲沈遠天風雨渡寒碁村邊一望
秋禾滿舊路依稀不可尋

寄懷路妹壻吾徵

風雨難招客子魂
浮家萬里臥江村
姑蘇臺上應回首
白日寒煙是薊門

題人野亭

溪上孤亭草樹幽
月明常醉木蘭舟
門前處處秋瓜滿
猶恐人疑是故侯

送諸友應舉北上

難將篋笠伴賢書
馬服山前有敝廬
京洛故人誰尚在
十年風雨隔樵漁

舍弟入都

雁羽衝沙入薊門
連宵北望海雲昏
故園高臥愁如此
細雨孤燈何處村

南園省梅

上寒北地梅開少
每憶林香欲作家
可惜數朝人事裏
春風吹老隔年花

雨後

雨後看花踏錦泥
殘雲猶傍古橋西
黃鶯也解留春色
只在棠梨枝上啼

送人

水國陰雲落塞沙
故人匹馬向天涯
此時薊北春將晚
一路風吹楊柳花

望嶠山

草徑傾危百丈懸
山頭樓閣鎖春煙
醉中曾倚樓前樹
當日登臨是少年

寄冀襄陽公冶

河朔音書隔楚煙
十年無淚拜啼鵑
仲宣樓上休南望
細雨蒼梧亦可憐

燕京卽事

地爐朝進白羊羹處處霓裳間錦箏賜得紫貂
新暖帽御橋霜冷駱駝聲

塞雲宮月遠蒼蒼蕭后粧樓亦渺茫四百餘年
池水猶傳盛唐風動芰荷香

移來內市旁松寮呵殿聲回散早朝拚得金錢
矜意氣素磁爭認舊哥窑

聞道西山翰墨畱風雷午夜護銀鈎可憐石馬
荒榛裏明月霜笳萬里秋

金環盤髻覆輕紗
禿袖花鞭白鼻騮
共道禁城春色好
莫同青塚怨琵琶

山前兎急雁飛號
黑霧黃塵落毳袍
獵罷歸來催夜飲
江南少婦解弓刀

漢時秦原罷曉鐘
黃綃牙軸市塵封
畫圖往往多隆準
傳是先朝舊御容

日暮垂鞭過畫樓
市旁舞女水綿裘
歌聲尚帶殊方語
半是楊州半潞州

郊外香車錦作幃
順城門下馬爭飛
獨憐貧女

無顏色拾得殘蔬首戴歸

傳掌雷枉駕僧舍

野寺霜高旅夢孤
堦前馴鶴避傳呼
市人莫訝勞驄馬
此亦長安舊酒徒

汎舟明湖

四郭山圍嵐氣昏
竹籬疎樹一江村
醉中見月忘風露
夜半吹簫過水門

茂苑荒臺鹿自遊
斷垣衰草隱朱樓
官中只有明湖水
依舊潺湲出御溝